



Broj:
Sarajevo, 05.10.2023. godine

PRIMLJENO: 05.10.2023			
Organizaciona jedinica	Klasifikaciona oznaka	Redni broj	Broj priloga
01-10-1-2125/23			

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
n/r predsjedavajućeg, g. Marinko Čavara

Na osnovu člana 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22 i 59/23), podnosim

POSLANIČKU INICIJATIVU

kojom Predstavnički dom Parlamentarne skupštine Bosne i Hercegovine zadužuje Vijeće ministara Bosne i Hercegovine da pokrene proceduru zaključivanja Sporazuma o dvojnog državljanstvu između Bosne i Hercegovine i Savezne Republike Njemačke.

Obrazloženje

S obzirom na informaciju da Savezna Republika Njemačka planira do kraja 2023. godine usvojiti novi Zakon o državljanstvu koji dozvoljava dvojno državljanstvo Savezne Republike Njemačke i Bosne i Hercegovine, potrebno je u skladu sa članom I. stav (7) tačka d) Ustava Bosne i Hercegovine pristupiti zaključivanju Sporazuma o dvojnog državljanstvu između Bosne i Hercegovine i Savezne Republike Njemačke. Navedena ustavna odredba propisuje da „državljanici Bosne i Hercegovine mogu imati državljanstvo druge države, pod uslovom da postoji bilateralni ugovor između Bosne i Hercegovine i te države kojim se to pitanje uređuje, a koji je odobrila Parlamentarna skupština u skladu sa članom IV. stav (4) tačka d) Ustava“.

U slučaju zaključivanja predmetnog bilateralnog Sporazuma u ravnopravnom položaju bi bili svi trenutni i bivši državljani Bosne i Hercegovine koji su se do sada morali odreći bh. državljanstva, jer zakonodavstvo Savezne Republike Njemačke ne dozvoljava dvojno državljanstvo Bosne i Hercegovine i Savezne Republike Njemačke. Član 14. Zakona o državljanstvu Bosne i Hercegovine („Službeni glasnik BiH“, broj 22/16 – prečišćeni tekst) propisuje olakšani prijem u državljanstvo bivšim bh. državljanima, pa u slučaju zaključivanja ovog Sporazuma ponovni prijem u državljanstvo Bosne i Hercegovine ne bi bio uslovljen odricanjem od državljanstva Savezne Republike Njemačke.

Dr. Denis Zvizdić